



	OJ	RB/GOD	Rev
UG	OJ04	TD-05-29/19	2

UGOVOR o nabavci teretnog servisnog motornog vozila

KJKP Sarajevogas d.o.o., Sarajevo, Ul. Trg Fadile Odžaković Žute 4, Sarajevo, Bosna i Hercegovina,
Koga zastupa: Direktor Preduzeća Mr.sc. Nihada Glamoč, dipl.ing.maš., (u daljem tekstu: Kupac)

i

«Porsche Inter Auto BH d.o.o.», Ul. Bulevar Meše Selimovića 16, 71000 Sarajevo, BiH,
Koga zastupa: Generalni Direktor Alex Andor Vaszi, (u daljem tekstu: Prodavac)

Član 1.

Predmet ovog Ugovora je nabavka (1) jednog teretnog servisnog motornog vozila sa pogonom na sva četiri točka koje kao pogonsko gorivo koristi dizel-gorivo, po provedenom otvorenom postupku nabavke broj TD-05-29/19, LOT-2. Prodavac motornog vozila je dostavio ponudu prema specifikaciji Kupca broj SP-OJ04-TD-05-29/19-02, koja je priložena je ovom ugovoru i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora bez poreznih obaveza iznosi: **46.880,00 KM (slovima: četrdesetšesthiljadaosamstotina osamdesetKM)**, a jedinične cijene su specificirane u prilogu ovog ugovora i čine njegov sastavni dio.

U ugovornu vrijednost iz stava 1. ovog člana su uračunati troškovi registracije, troškovi izrade police za odlaganje alata i opreme u teretnom prostoru i troškovi transporta do skladišta kupca u Butilama, Sarajevo - Bosna i Hercegovina.

Član 3.

Prodavac će robe iz člana 1. isporučivati prema specifikaciji SP-OJ04-TD-05-29/19-02 nakon zaključenja ugovora. Ugovorne strane su saglasne da se kvalitativni i kvantitativni prijem isporučenih vozila izvrši od strane ovlaštenih predstavnika svake ugovorne strane.

Član 4.

Prodavac će obračun isporučene robe vršiti po jediničnim cijenama iz priloga ovom Ugovoru. Kupac će plaćanje izvršiti nakon isteka roka od **60 dana**, po prijemu uredno ispostavljene fakture na transakcijski račun prodavca naveden na fakturi.

Član 5.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 6.

Isporučena vozila moraju zadovoljavati zahtjevima propisanim Pravilnikom o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uslovima koje moraju ispunjavati uređaji i oprema u prometu na cestama, kao i zahtjevima navedenim u specifikaciji SP-OJ04-TD-05-29/19-02.

Ukoliko isporučena vozila ne budu zadovoljavala zahtjeve propisane navedenim Pravilnikom, kao i zahtjeve tražene specifikacijom, kupac će ista vratiti na teret prodavca uz naknadu prouzrokovane štete.

Garancija na isporučeno vozilo je **2 godine** bez ograničenja broja pređenih kilometara, na karoseriju **12 godina**, a na boju **3 godine**, nakon isporuke istog.

Član 7.

Prodavac je u obavezi da u roku od **120 dana** nakon potpisivanja ugovora isporuči vozilo iz čl.1. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.



Član 8.

Ukoliko kupac u ugovornom roku iz člana 4. ovog ugovora ne izvrši plaćanje, obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključenja Ugovora.

Član 11.

Na sve odnose i institute koji nisu navedeni u Ugovoru, a pojave se prilikom realizacije primjenjivaće se odgovarajuće odredbe Zakona o obligacionim odnosima Bosne i Hercegovine.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor

Alex Andor Vaszi

Broj ugovora

162/19

Za Kupca:

Direktor Preduzeća

Mr.sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj ugovora

162/19
14-08-2019